

**1.4.2 Բնակչության կենսամակարդակ, աշխատավարձ և այլ եկամուտներ**

**Բնակչության դրամական եկամուտների և ծախսերի հաշվեկշիռը:** Բնակչության դրամական եկամուտները 2000թ. հունվար-փետրվարին կազմել են 79281.1 մլն.դրամ և նախորդ տարվա նույն ժամանակաշրջանի համեմատ ավելացել են 7.1 տոկոսով: Դրամական ծախսերը նույն ժամանակաշրջանում կազմել են 86139.0 մլն.դրամ և ավելացել 9.1 տոկոսով: Դրամական ծախսերը գերազանցում են եկամուտները 6857.9 մլն. դրամով: Բնակչության դրամական եկամուտների ընդհանուր ծավալից 2000թ. հունվար-փետրվարին ապրանքների գնման և ծառայությունների վճարման համար բնակչությունը ծախսել է 70634.1մլն.դրամ (89.1տոկոս), պարտադիր վճարումների և կամավոր մուծումների վճարման համար՝ 3695.2 մլն.դրամ (4.7 տոկոս), ավանդների և արժեթղթերի ձևով խնայողությունների հավելածը կազմել է 4872.8 մլն.դրամ (6,1 տոկոս):

Դրամական եկամուտների օգտագործման կառուցվածքում 2000թ. հունվար-փետրվարին նախորդ տարվա նույն ժամանակաշրջանի համեմատությամբ սպառողական ծախսերի տեսակարար կշիռն աճել է 3.0 տոկոսային կետով, իսկ ավանդների և արժեթղթերի ձևով խնայողությունների հավելածի տեսակարար կշիռը նվազել է 0.8 տոկոսային կետով:

**Բնակչության իրական տնօրինվող դրամական եկամուտները:** Բնակչության իրական տնօրինվող դրամական եկամուտները (եկամուտները հանած պարտադիր վճարումները, հաշվի առած ապրանքների և ծառայությունների սպառողական գների ինդեքսների փոփոխությունները) 2000թ. հունվար-փետրվարին 1999թ. հունվար-փետրվարի նկատմամբ աճել են 7.2 տոկոսով :

**Աշխատանքի վարձատրություն:** 2000թ. հունվար-փետրվարին, ըստ յուրաքանչյուր ամիս վիճակագրական հաշվետվություն ներկայացնող մոտ 9 հազար տնտեսավարող սուբյեկտների հաշվետվությունների նախնական տվյալների գնահատման, զբաղվածների միջին անվանական աշխատավարձը կազմել է 19457 դրամ և նախորդ տարվա նույն ժամանակաշրջանի համեմատությամբ ավելացել 19.1 տոկոսով: Ըստ որում բյուջետային կազմակերպություններում զբաղվածների աշխատավարձը, որի գնահատումը կատարվել է մոտ 4 հազար բյուջետային կազմակերպություններից ստացվող եռամսյակային հաշվետվությունների օպերատիվ տվյալների հիման վրա կազմել է 12365 դրամ և նախորդ տարվա նույն ժամանակաշրջանի համեմատությամբ ավելացել 21.9 տոկոսով, իսկ ոչ բյուջետային կազմակերպություններում զբաղվածներինը համապատասխանաբար՝ 24534 դրամ և 18.5 տոկոսով:

**2000թ. հունվարին անվանական միջին աշխատավարձի փոփոխությունը նախորդ տարվա նկատմամբ և տատանումն ըստ տնտեսության ճյուղերի**

	Անվանական միջին աշխատավարձը, դրամ	Տոկոսներով ընդամենի նկատմամբ	Տոկոսներով նախորդ տարվա նկատմամբ
<b>Ընդամենը</b>	<b>19340</b>	<b>100</b>	<b>119.6</b>
Արդյունաբերություն	27033	139.8	118.6
Գյուղատնտեսություն	12014	62.1	149.7
Անտառտնտեսություն	9573	49.5	117.5
Տրանսպորտ	34119	176.4	111.1
Կապ	42120	217.8	120.7
Շինարարություն	36420	188.3	100.0
Առևտուր, հանրային սնունդ	7455	38.5	83.3
Բնակարանային-կոմունալ տնտեսություն, կենցաղ-սպասարկում	20698	107.0	128.5

	Անվանական միջին աշխատավարձը, դրամ	Տոկոսներով ընդամենի նկատմամբ	Տոկոսներով նախորդ տարվա նկատմամբ
Հաշվողական տեղեկատվական սպասարկում	16143	83.5	100.7
Առողջապահություն, ֆիզկուլտուրա և սոցիալական ապահովություն	12698	65.7	133.1
Կրթություն	10175	52.6	123.1
Մշակույթ	9566	49.5	120.8
Արվեստ	10520	54.4	120.2
Գիտություն և գիտական սպասարկում	15693	81.1	117.3
Վարկավորում և պետապ	54844	283.6	114.6
Կառավարման ապարատ	27829	143.9	130.1
Այլ	22563	116.7	138.7

2000թ. հունվարին սոցիալական ոլորտի ճյուղերում զբաղվածների անվանական միջին աշխատավարձը տատանվել է ընդհանուր միջինի 49.5 (մշակույթ) 65.7 (առողջապահություն և սոցապ) տոկոսի սահմաններում: Անվանական միջին աշխատավարձն զգալիորեն բարձր է հատկապես վարկավորման համակարգում՝ ընդհանուր միջինը գերազանցել է 2.8 անգամ, կապի համակարգում՝ 2.2, շինարարության մեջ՝ 1.9, տրանսպորտում՝ 1.8, կառավարման համակարգում՝ 1.4, արդյունաբերության մեջ՝ 1.4 և այլ ճյուղերում՝ 1.2 անգամ